






一  
浮類集下





己巳  
庚午  
辛未



澄觀集卷三



嘉興錢儀吉新梧

古意

壬申

今日花昨日開昨日胡蝶今還來期君待君君不至相  
思明日墮青苔

道中車

君不見道中車方者蓋圓者輻止者柅行者轂重者遲  
輕者速重者行不前輕者亦時覆德之服耶力之度耶  
在御之一心非馬之四足



鵲語

鵲語向東風小枝駘蕩中飛飛還俯啄芳蕊落輕紅

餘齋先生得先曾大父家書一大父名印一寄

予京師

參差四五行委婉門庭語里居緬頤和殆六十年所方  
石其文朱拜視心為瞿諒當隨金章東京若南都餘翁  
遠郵致文翰以錫類尺紙疊未申餘砂黯猶漬家書還  
吾家印押遺書報翁如念再見他年載歸艤

寄懷李西巖先生

賓 塞外

李侯恂恂吾所敬無階朝廷久葉令隣飢掠食以盜聞  
逆河入陷安之命天山北走隨羌渾倚閭泣望愁雲昏

聖朝孝治容將母

用曝書亭句

儻起徒中一報恩

答楊芸墅

五番得君書兩度蒙君詩君書篋行久君詩壁張之思  
念既云積歲月忽已馳君詩誓明義要以金石詞金石  
有時泐人心諒難移君書道颯縷一一縈我思泥蟠氣  
不屈雲龍遭有期春華與秋實華早實何遲我嬾遂成  
癖近益無所為折楊千人和耳聽心不隨有如舊井凍



凝然不生漪朝來默兢惕內省吾其欺子今竟何省塊  
獨子自知勉矣崇明德悠悠奚足嘆

趙侍御慎畛奉母太孺人竹中遺像乞詩前迎

養京師所寫者

藹藹薊門春依依碧烟裏清風展顏色惜惜半年耳山  
川一以隔霜雪使不起墓門抱枝哭淚落如瀉水蒼天  
無雲四顧曠野兒今欲見母惟在竹下清風有還時母  
去兒何為惟應奉直節庶幾報天慈

簡心畬二絕句

江露濫秋叢吳山對酒同  
竭來從櫪馬無計逐歸鴻  
連宵夢往還九十九青山  
招隱反招隱衰衰叢桂間

豫讓

瑤也違嘉謀猶識一國士  
肘腋忽授人主辱臣當死塗  
廁終見原過橋復挾七馬  
胡驚不前儻感芻豢美伏劍  
慨以慷與衣亦知己吁嗟  
范中行不如趙襄子

招葉兩垞維庚同游江亭賦贈

暫拋黃帙對青岑落木飛禽見道心  
塵影功名惟故紙山亭風日此長吟  
行年四十古懷鬱與子逍遙秋水深



行

歸路夕陽行且緩蘆中人語若為尋

十一月八日世父良齋先生小祥釋服

凶問踰年夢尚驚昊天終古報常輕惟堂望失劔羹薦

公府時先經帶更神舍自營寬後責己未十一月先生自營生壙于海鹽

寒坊之星奔未遂徇浮名深宵十起恩猶暫永念提攜

沈家浜自我生

寄挽朱梓廬先生

鄉信傳來共茹悲盡言社祭必於斯壯辭選吏依於母

老撫邊氓看作兒以弱養生躋大耋其清如話得真詩

范湖憶款桑扉語舊卷丹黃忍更窺

書韞山先生詩集後二首

明盛憂危切長言出至情錢南劍同直節洪北趙味

迭尸盟苦口從軍曲盱衡早計行樊南真氣在崑體誤

諸生

大匠先宗伯風騷一手持科名差後進論議得同時聲

應誰風虎天寒感雪獅先子戊午冬雪獅篇亦譏切時相而作閉門終合

輟休唱莫相知

夜讀

風可不及



析盡鐘鳴曾幾時嫩寒已到曉風吹十年殘卷成新賞  
一點青燈是故知此意未妨兒輩覺少眠漸似老翁為  
何時結屋空山夜坐斷前林月半規

題小畜集

直節何慚陽道州樹旗磨劍願真酬平生實有懷嵩感  
老向黃岡記竹樓

題滄浪集

老筆風驅二百年赤軒門籍意懃拳如何晚破吟詩戒  
只寫琅邪庶子泉

題許月卿先天太空集

淺處回身計未疎泉田終擬狎樵漁尚憐赤子離牀去  
垂老孤眠范粲車

玩具詩二首

花紙市人聽秤官小說以意圖其事亦有神  
仙宮室花卉諸狀鏤板五色印之為花

紙

黑黃蒼赤太紛如故事粗尋骨董書贏得兒童齊拍手  
篠驂風裏說皇初

泥佛



口可及

口

口鼻將無小大偏尚煩狼藉畫朱鉛春來更嬾登場舞

夢落曹王廟口船曹作傀儡欲得細泥以海鹽之

得楊三兄鵬飛曲阜書並惠漢碑賦謝

思君春雨外驅馬嶧山深獨采藻芹薦如聞絲竹音上

公容拓石良訊重兼金何日迎還旆披圖話孔林

寒山同董琴涵賦

荆闕不可畫一角鳥飛遲薄暮寒無極孤雲駐益奇樵

行蹊雪斷僧坐屋風歌期爾冥心往天空木落時

千車行

川六版

千車出城復入城去日來日公孤卿六尺朱輪四張憶

曉月行行夕陽返盤旋屈曲百里中殷雷動地聲挾風

偶然欲住不得住飛走天邊捉烏兔莫教烏兔行速人

行遲山高路長難可追

正月二十七日太常仙蝶集予寓齋 癸酉

翩飛飛兮芳菲菲仙槐影中仙蝶飛百年隱現觀者希

胡然來集於閨闈春風飄揚朝日暉優游澹淡仙者機

仙乎仙乎是耶非朱襪四足金菊衣背染肝鬢之烟霏

斂手屏息仰而晞



聖朝元氣格上下皆有嘉德心無違小臣亦游太和宇  
與物翔洽其庶幾羅浮四百三十二峯所產昔曾觀五  
彩皆備成章翬徒聞文采矜鳳子何似此蝶春秋去來  
出入

壇

廟常因依蠻雲海日天一角招之從游殆來歸

觀周子勲募葬徐侯齋啓墨蹟戚茗田晟所藏

斯人不可作愴悽無弦琴晨星二三子一去幽泉深河  
山對清涕中腸豈能任首陽甘窮餓日月悲西沉日月

終不沉皎皎千載心豈惟宿草慟懿德永所欽擎跽亦  
盡禮執手亦知音時事倏變易浮雲蔽高岑噫乎生死  
間此意成古今

過琴涵

聞中但駕車必過董生家寂處惟書伴無言到日斜身  
知非藥樹時方小極怨不賦匏瓜望雨嗟春晚呼童一灌花

暮出城

羸馬駕雞棲風馳碎薄蹄怕催城上鑰憎殺暮鴉啼

馮唐



容可石及

容

代邸開天入未央顧成容諫似高皇一言便起雲中守  
每飯真難鉅鹿忘父老郎潛心久烈大家廷問語何長  
他時細柳將軍壁按轡從容靖四方

四月朔日作二首

曉色禁門開紫煙雞鳴日出此山川撫盈承念銘盤做  
布化非徒束帶虔鳩鵲雲低湖水活鶉鳩風語柳陰圓  
明堂長養乘初令甘澤滂沱望大田

城

城

城

園光乍轉午風清倦馬驅之又向城廓廟夔龍常引領  
江湖鳧雁要全生東方朔漫從城市韓伯休何厭姓名

從城市  
論工拙此三字較可  
誇誇談達  
動

藥肆俸囊難作計得閒徐會古人情

馮鐵漁齋觀碧山隱居圖用卷中沈石田韻

何處可安心主賓橫卷坐幽鳥時扣門俗下無人過雨  
苔彌石闕風綫扶花卧蒼生未忘情一醉竹千箇陰陰

覆我屋雲漏月光墮老矣苦耽吟豈曰無事作圖為沈

云廬山遠公結蓮社淵明元度在焉此千古之勝事也  
梁溪十老仿之構堂於惠麓之陽名曰碧山吟社倡者  
修敬泰公和  
者網庵覺性

鐵漁罷官閒居用前韻廣其意

燒卻黑虬蟬推倒木上坐是身如虛空何處著罪過白



牛可憐生大地日起卧應思庖丁云全者無一箇方來  
有春風一葉今任墮聊相與相羊不止亦不作

戴嵩牛二首

庭前埽葉鏡初明厨裏分飽爨欲清橫笛歸來無所見  
白牛露地可憐生

桑柘閒閒遙岸雨柳絲漾漾隔溪風何人會得春簑影  
只在烏犍一瞥中

重紀太常仙蝶三首

八月十九日

商飈掃凡豔天宇慄以清空庭敞遙目有蝶棲簾旌家

人熟相覩走語歡童嬰我懷杜德機百事無將迎雲上  
之仙風吹女翺然輕昔去果何見今來豈無情

春風未幾見重集喜及茲蕭然坐展翅靜德聊自怡觀  
者競闐咽旦夕還致辭瓜果雜前陳卮篆飄羅帷爰居  
饗鐘鼓無乃達者嗤

明月墮懷中可玩不可執晴雲態萬變聚散難意必吾  
廬有仙駒維繫竟五日送之青蔥間庶以遂間適莊莊  
霞裾曳泥泥

壇樹溼

二十

四日送之

天壇柳間

山林與城市靜躁知異術相於



在蕭寥奚取日同室俯仰風露情誅蕩天地德

讀後漢紀十首

省臺責數中興初誰遣西曹有報書順旨阿諛要領絕  
君房足下比何如

烏鈔獸飽走章皇前代風流逃趙張一曲弦歌餘涕淚  
祇聞酒食薦安陽

坊連卅六蔓難圖毫末涓涓勢易孤采別流民歸本郡  
南宮故事讀來無

三公名姓寂寥傳空備熊方表系年鄧盛乍緣移疾罷

新除黃閣又張延

射姑山下正綏交三輔金城尚冠鈔聽望聲塵千百里  
將軍垂幕旣珍肴

畫節誰為白壁操送迎惟覺使旌勞侍中顧問方年少  
限格何煩左伯豪

條支安息震天聲絕塞曾開戍校營底用封侯飛食肉  
尚聞碩議到袁宏

天祿平門妙琢廟畢圭苑起巨魏莪五噫不是空孤憤  
中澤劬勞奈雁何



三空疏上涕縱橫校獵猶聞頌廣成老魅何知陳太尉  
四支心腹強分明  
古道容身衆所師立朝豈忘伐檀詩衡陽辭聘杜陵舉  
抗厲長懷樂伯奇

余忠宣元珀護心鏡歌公孫鐵香鼎屬賦即送  
鐵香之保陽

太行烽舉光屬汴齊城勵復徒空縣淮南半壁暗戎馬  
皖口孤軍獨轉戰灤山八柱初耕屯深塹飛樓亟征繕  
講筵涕泗激義從朝局艱虞謝時彥小孤嶺險戍者卻

觀音橋捷滅復煽乘旗樹柵陵三門左提右挈當一面  
親兵蔽盾被創劇徒步提戈為士先封狼羆貌連長圍  
蟻子虻蜂無寸援六年城守睢陽張一門國殤濟陰卞  
頓牟徑寸奚足銜銘以護心心不變可憐徹底清水塘  
碧血寒凝土花鍊裔孫孔武耽書卷鷹揚鹿鳴堪兩宴  
即今單騎隨鼓輦猶聞大府求賓掾松柏之器非家珍  
奇士誰能為國薦井中名氏史異詞他日從君問遺傳  
公家人殉難姓名  
諸史所述各異

題宜興李氏三忠事蹟後三十五韻



忠孝盡所事廢興隨其遇陳編抱餘恨革命多諱惡  
本朝大仁聖百代公毀譽曠觀犯順情夫亦為君故遺  
忠幽隴泣懷貳青史懼煌煌李中丞用楫字海濱效馳  
驅片言黎亂定出使島夷附申威逐豪猾去佞抗章疏  
彈丸黑子間綱紀要粗具疇能去私黨終見感國步黃  
中竄殘孽滇池負巖固求節誠要君艱虞劇時務印剋  
忍弗付塗起乃大怖吾謀適不用躡足曾借箸光化方  
劫遷黎侯數流寓邕州席未暖安隆旆仍駐

天兵下欽州沛若時雨澍漏師勢已離亡命義孰赴靈

山之井清肯受濁流汙明年德慶破監軍

未字復隨仆

慷慨常山顏兄弟相檣梧天心詎難知臣道不可去秦

人真虎狼肘腋積深忤孱王危碁累義士憂薪厝御史

順字庭實起選人同志畢長慮由來內難平亦假外藩助害

成機不密援少計非誤馬場十八人碑記成仁處亂後

簡策亡猶傳浩歌句嗚呼忠定公倉卒奉南渡中原還

經營半壁早安據末裔尤苦辛厓山甚孤注捐軀相後

先毅魄為瘴霧中丞僅反葬首山夕陽暮褒謚偶未及

顯晦蓋有數一編許昌言潛德亦已著大哉聖其天免



矣來者慕

煤黑子

妖人晝入禁左門衛士不戒號呼援金水河邊赫然死  
堂堂義民煤黑子送煤史館未下擔白巾數十眼凌亂  
竿木奮起一震撼兇徒敗面紛旁竄衆刃交前吁可惋  
館人乘隙鍵戶扞祕書令史皆免難炭為容兮石為心  
鬼雄氣鬱西山岑衣血淋漓手指斲右門亦有陶家僕

鐵漁惠馬卻之

三十種菜飽宋宇五十金券署雅宜先生治生苦不足

一騾長飢中夜嘶封侯絕域無骨相曳裾王門少氣力  
先生散衙無一事一騾長閒徒伏櫪勞君遺我真驂騮

雲起大嶽霜橫秋酒酣夢中忽跨去輕烟一點凌九州  
蘭臺應官詎展足伯樂縱遇仍低頭即今

王師奏膚公天閑下馳騏驎駭深溝起膝三百匹此之  
筋力將無同君何不弦夏矢設唐弓燕南趙北連山東  
騰身試手殺賊了一蹴萬里烟塵空歸來飲至驕春風  
錦鞍却過貧家廐益州將軍厖且陋拳跼無聲愧芻豆

司空行



古來何策可富國管桑以後窮徵求風塵猝驚起饑饋  
無源可開惟節流大官服膳早儉薄  
命下司空慎工作金玉不雕厲戈刃樓觀罷營繕城郭  
賊氣久困圍城中四方力奉軍儲供途謳巷頌此一  
詔捷書會見騰齋宮

臘八日同人集稚圭齋用東坡韻賦詩予未之  
知也明日見詩奉和即簡稚圭

涉三江浮五湖有車方輪舟則無褰裳里巷豈不欲怪  
子不來折簡呼濁賢清聖謀諸孛阿難浴日相嬉娛樽

前風詩牛尾唱門外雪轍羊腸紆走也無事深掩廬冷  
雲落日孤懷孤圍爐粥甌百果沸何以藪之筍與蒲追  
胥用命慚丁夫晨朝畫諾歸及晡左藏罕計景祐簿方  
域空對元和圖麟鳳不足蝨有餘或出或處商史遽歲  
窮且勿愁店逋酒酣突兀神難摹

簡芙初疊前韻

君不見劉陽湖應有所有無所無千年鹿盧積酸冷一  
日蜡飲從謹呼霜燈紙帳梅花孛形影神釋為粲娛春  
中山頭雲一片使我南望心鬱紆董生

琴南唱酬同寓廬



我亦濫吹竹不孤寒聲俚月耻雕鷲秋氣入懷傷柳蒲  
上馬殺賊彼丈夫揮戈足返噬景晡新詩綺語果安用  
拉雜摧燒良本圖文章小技六藝餘禦寇善也莊周蘧  
莽臣投閣誅已逋太元底用規三摹

陳迦陵填詞硯二首

閑情碎織柳絲柔豪氣平臨雪浪秋百歲銷沉餘墨瀋  
月殘風曉大江流

樂府初傳協律篇瓦江新製割秋烟芝房寶鼎昇平曲  
最憶康熙琢石年

十一月十八日晨起

太白猶未落北風寒颼然車中聊倚枕月外似乘船大  
帥聞持重司農闕見錢不知何造膝萬炬正朝天

曉起望雪

一夜霜稜被角生朝來凍雀又喧晴同雲色定風相惱  
老樹心孤雪未成關埃十旬通夜燧封畿千里望春耕  
水鄉蓑笠應無恙獨憶寒江畫有聲

詠雪

乍看水氣積遙天稍墮空花勢亟旋漠漠風雲窮塞畔



依依亭榭早春前  
纖塵盡掃形都潔  
老樹擎寒節倍堅  
誰道占豐來歲遠  
生機先與斡微權

夜坐

枉斷車塵此暫閒  
我心安得石同頑  
深宵把卷頻流涕  
缺月窺人獨掩關  
蠹紙魂歸燈下語  
馬蹏聲盡夢中山  
昨聞  
訓諭端風俗  
應起創痍撫字間

題劍南詩藁

急雪寒風醉峴岡  
夢中一夕過西涼  
歸來詩句無些子

試手聊刊集驗方

飲董琴南香影庵見壁間畫梅寄懷顧南雅學

使蕤滇南

青燈耿虛幌  
朋酒中席起梅花積  
相思一笑面壁耳  
用心冰雪冷之子在萬里  
春風了不隔螺嶺疑尺咫  
莫輕一枝贈佳實猶可俟

賀藕耕編修齋即席賦葛仙米

昔予慕佺期  
杖策三茅岡  
道逢方瞳叟  
挹袖凌雲間  
再拜謝神君  
千里非莽蒼  
願求服玉法  
下士充饑腸  
仙人



顧之聚後此宣南坊年月日時某授子以春糧對案忽  
省悟師言久未忘惜哉五味雜嚼嚙隨羹湯麻姑弄狡  
獠一擲遺夜光天寒少苓朮活世須禁方期君乞肘後  
物外參翺翔

澄觀集卷四

正月八日夜

甲戌

嘉興錢儀吉新梧

殘卷孤衾正未眠  
巷車行盡月生椽  
清宵寂寂如長晝  
斷夢悠悠已卅年  
宣髮不期塵鏡裏  
青燈無語早春前  
十五日  
嫩寒輕暖相料理  
可有明朝釀雪天

走馬燈

兒戲軍威寓此燈  
望風疾走氣還矜  
不離步武勞千市  
難辨驪黃障一層  
蠟燭有心惟速上  
龍媒無骨竟驍騰



人家熱處爭馳驟誰信雲烟故跡仍

兔面偶

土木形骸若是班怪君仙籍占人寰居然顧影雲霄上  
不見論交杵白間毛穎簡書無束縛韓盧環走莫追攀  
平生自付登場戲媽孺何曾怕鑄姦

芙蓉初齋中消寒第七集題四首

乘白雲游泛若鳧玉山可倚涉印須田頭袂馬翰安穩  
江面烏捷笑滯迂四大緣輕身試耳一冬寒少腹堅無

沈舟忽見千帆外惴惴恭人念髮膚

冰牀

歲晏全家安樂窩火攻策下用偏多閉門且免求狐貉

窮臘還愁賃駝駝金石洪鑪猶挺解風霜大地是陽和

野夫自愛江天雪嬾醉村醪壓釣蓑

火炕

誰催花信先天公卻與詩人慰歲窮廿四番何煩檢校

百千枝任強青紅薰鑪紙閣春相賞羯鼓芳園致不同

最憶芬馥游窟室稻簾晴卷曉風中

唐花

擊甕頻煩續短歌酒邊風雪五年過

己巳冬琴鵑席間賦此

園官

未訝鹽凌雜措大真成菜事魔梗白霜肥矜輔縣挂黃

日落想巖阿儲藏不是岷山芋寒色冬來禦若何

臘菜



前題次韻東堂先生四首

虛詫人間萬斛舟層冰斷岸用難周  
臨河尼父思迴軫漱石興公忽枕流  
四角方輪勞悵望三山瓊海恣優游  
只應未轉陽春脚虐雪饕風尚爾求  
冰牀  
頭顱且莫笑冬烘紙閣團樂樂也融  
風雪壺觴春不散煙雲襟袖淡相籠  
然薪厝火防維外負曝當檐想望中  
幾見淒其嘆締綌大裘難庇洛陽同  
火炕

可是春風過嶺南無邊豔卉一時探  
根株月窟嫌孤冷號令風姨惜二三  
常棣借名周雅舊馬塍遺法宋人談

由來物性終難奪蝶夢蠶衙正未酣  
唐花

朱門蓬戶兩俱為清介誰從判惠夷  
窮子凌冬謀蓋藏大官知味謝膏脂  
圍爐中酒時求益擊豕亨鮮總未宜  
咀嚼莫嫌寒冰齒風霜口吻鎮相隨  
臘菜

陶然亭錄別

江亭雨絲絲煙樹點深碧我友遠于邁  
千里一樽隔山容入定僧靜對真莫逆  
歸鳥時一鳴斜陽照離席春風遙被人  
痼冷惜泉石何以慰相思芳草天涯積

吾廬



吾廬牆外即庖廚曉色寒窗鴨鴨呼  
心憶投竿隨下上身疑挂席枕江湖  
千秋智計防薪突一卷風流踞竈觚  
國相囂塵居正爾市人貴賤識還無

題文五峯仿古畫冊八首

范寬碧巒清澗

絕壁雲孤起重崖樹倒懸何人奔瀑頂寒坐不知年

趙松雪紅香夾澗

白雨挂晴空潺潺去不窮最憐春樹影長定碧波中

趙大年篔簹茅舍

漠漠碧雲重娟娟春雨深穿篔更度磴茅頂出疎林

趙千里荷池柳豔

初日照峯頂曉亭涼若何荷香不在水只傍柳風多

江貫道山川出雲

一氣生雷雨溶溶澤未央凭闌間極目西崦自斜陽

趙大年江鄉清夏

幾幅風帆外金波日吐吞晚來蒲葉卷大綠是前村

惠崇西湖晚渡

湖雲意不閑游櫂去仍還遙岸淡生霧夕陽時在山



宋人團扇上梧桐蕉石

把卷青桐下宵涼百慮清時時聞埽壁不雨亦蕉聲

送雲壽兄南歸三首

早愁此別最銷魂又見驪駒去國門一意雲山甘寂寞  
十年車馬枉叢煩承家豈必論科第負米能無念清温  
不是饑驅仍道路敢辭歸隱傍邱樊

愁

歷歷晴沙起暮愁窗燈絮語記從頭馮驩身世三彈缺

愁  
勞或煩

杜老行藏一倚樓京國官途紛軌轍江鄉華屋感山邱  
到來百事愁商畧獨看飛鴻下遠洲

此位激

怕見春風上鬢絲百千萬緒柳枝垂三年一面何慘闊

幾日論心又別離自訟每于遭別後天心行見好還時

下弦屈指征程數明月揚州正滿規

奉題東堂先生瞻榆草

廿年萬里一筇輕是處溪山識性情吟草大都隨手棄  
墨雲還覺盪曾生依依烟水巖光瀨歷歷河山尹鐸城  
閱世已深游漸倦歸與春及欲躬耕

歸夢

連宵歸夢不辭遠只在滌湖澈水間豈定為郎徒白首

是處句或作譜出琴心養

山

性情先生有雙橋  
漁父琴譜  
意本醫書卷序

山

水  
可不改



水

那能招我負青山親心日念衰凡切天意終無寸粟慳  
火急休官具行李春風春水下張灣

退密桃樹下作呈心舍

已誤入塵堞而尚居林皋午飯過退密玩此欲開未開  
之園桃昨看蕭森今的皜漸可破萼猶含苞暖風急吹  
敷錦纈微雨小泣流粉膏睢麟聖篇信天灼何取攬察  
從楚騷其旁海棠刺梅幾株亞潛孳生意還中韜皇穹  
至仁昌百物顏色次第娛吾曹頻年手植意所屬籬外  
又出青蔥勞武陵已事本荒惑主人乃夢浮漁舸君胡

不留以游教黍登共雪盤中毛

呈姊氏

僕去看車馬人來問寓廬恐傷臨別意幾日見翻疎

過崇效寺

春寒甚今歲三月猶重裘連朝好晴日駕言銷我憂人  
家無可詣招提且淹留亦知崇末花樹色看和柔大屋  
坐隱几春風生茗甌締創信功德勞人足憑投安知門  
外路俟我驅塵鞅境熟意徐會言歸矢清謳

三月二十日作



不知春事已闌珊短卷微吟獨啟顏  
委運林花下階祀畏人籠鳥憶雲山  
鄉書乍到鴻千里宵飲相尋月一彎  
幾日生衣商冷暖只應檢校雨晴間

涉世

涉世輕憂患懷賢閱賤微  
臬鸞難並育鵬鷗莫相非  
欲語防驚衆無成愧息機  
歸與問農圃田叟俗情稀

華孝子

八歲父從軍臨分為兒語  
八十猶不忘嘉禮廢終古冠  
昏人皆有孤兒莫為主  
誰何相勸勉走匿淚如雨悲哉

華孝子終慕血一縷因之顯  
若翁投命甘齊斧吁嗟風俗衰  
簡乃失伯魯一酌惠山泉  
易心此焉取

送朱勳楮榮之任瓊州即書其盧溝曉發圖後

一唱瓊海篇再唱望潮曲謂美初稚盧溝曉月中萬里

初轉轂水曹考工記金殿臚句傳  
依依跂闕下禁樹移

春煙橋邊車幾兩言笑還婦幼  
應憶昔來時寒山一驢

瘦里門亦匪邇壤接知土風  
鯨波幸久恬教養先戰功

更聞道侯官拜慶慈顏喜  
兄弟二千石風日錦衣美君

芷圃太守奉母闕錢生欲何贈  
圖畫君家賡治心如受

中君先往省覲



降治事如耦耕芷圃有海上受降圖君有耦耕圖

題貞觀政要二首

詔祿卿寮足代耕羸驂脫粟此風清一珠豈定隋侯寶  
已玷生前絮白名

致命由來僅一殮衆人國士遇何論納肝宏演丹心苦  
儻為君恩鶴在軒

看芍藥有作寄懷子壽南歸

二月三月柳乍穉送行四出紛馬蹄江南一碧幾千里  
夢中望望猶含悽無聊十日掩閨卧已拚春事成塗泥

枝頭提壺忽喚起門外賣花如取攜便提軍持列十數  
宛開步障橫東西紅光紫點窈窕映重稜倒暈參差齊  
非煙非雲散纓珞以編以副雕衡并靜啖五色耀金帶  
快比萬軸排錦綈宵傾綠醕壽慈母晨注白波忙老奚  
餅甕亂翻兒女闌瓣朵偶異符瑞稽有同心者有三朵  
一蒂環圓若球者  
有蕊中結  
實若桃者紫綿白木自矜寵此花獨愛風人題疇箋比  
興狀草木聲諧綽約情孿夷粉侯尋香肯挈閭蜜官黏  
蕊煩輕齋流鶯數箇且相伴侔色恰少黃與薰揚州舊  
譜甲天下過客扁舟緣御隄誰何一棹往觀者咫尺豐



臺懷渺兮

呂不韋

強敵紛紛死賂遺榮陽間楚此前師漫言六出皆奇計  
只合黃金鑄賈兒

李斯

水動霜飛共暑寒同心車府奈摧殘咸陽市上悲黃犬  
肯念韓非死說難

公孫宏

布被安知是詐廉澣衣齊相古無嫌安昌不語新都改

始信淮陽守善規

王戎

何苦牙籌日夕持酒壚長負竹林期由來末路懲濡尾  
可憶涼州卻賻時

讀漢紀二絕句

百全謀定敵成禽輜重無緣尉士心遙想屯師三十萬  
塞垣旁谷匿何深  
穎水謠從丞相奏牂江語自使臣聞悠悠口舌無然與  
枉為牛書殺少君



龍泉寺畜鸚鵡一鹿一有年矣芙初一日訪之  
皆已物故為詩以悼屬和二首

隴客何年到玉京  
循廊每見雪衣清  
空王久懺聰明誤  
慧業俄教舍利成  
物外關情誰瘞鶴  
春來調舌但聞鶯  
崇觀四坐真無取  
賦筆猶憐累禰衡

野寺中林性所便  
銅牌應許記他年  
經聲尚繞來時苑  
蕉影俄空夢後禪  
嚼豆終逃虞繖外  
束茅還傍講堂前  
吳王臺榭今安在  
芳草魂歸益惘然

芙初又將引假用舊韻為贈二首

上車闖塵土  
倒牀夢湖山  
忽忽兩年耳  
又送南轅還  
人生幾離合  
漸恐凋朱顏  
何況同心人  
落落朋儔間  
張口不得語  
舉足何敢前  
摧頽百廢置  
寂寞相泚桓  
惟我二三子  
一破窮愁慳  
奈何不同室  
而就岐路邊

昔聞至人言  
肝膽楚越隔  
山川何紛糝  
投路各有適  
余佩之陸離  
女美可說懌  
用陳長發說  
女音汝氣連桂  
與椒跡判

潮與夕壯游  
三十年客坐  
不暖席詩懷  
半傷逝酒思  
更悽魄所期  
達人心一切  
無揀擇正身  
惟鵲求攘臂  
任臬擲



題女史吳玖畫三首

程本春廬職方孤懷孰唱酬羸驂得得暫旬休宦游底事能

清適一桁青山寫韻樓

浮紅淺絳抹輕霞認是南唐沒骨花借得白雲仙史筆

共傳黃葉老人家

江上新枝接舊栽峯青日點故園苔余姑適吳江蒯氏善寫生兼工山水

有南樓何時采藥成招隱葡萄菜盤餐賭畫來

善病

致身郎署愧浮沉善病經時墮壯心歲月何曾供把翫

山川祇自費高深兩年來考撰輿圖頗耗心力著書半失叢殘藁倚

枕徒成斷續吟我正行年潘騎省春來新見二毛侵余

年三十二歲春二月始見白髮

可惜用杜韻

念起紛何屬心驚覺每遲浮雲驅不盡明月到何時說

巽中孚象冰淵小宛詩撫編三太息卅載負襟期

心畬姊壻將于六月廿八日南歸聞道途積潦

難行詩以留之

歸心日夜動征輪小住為佳樂更真秋雨那無留客暫



東風已苦送行頻  
短書黃犬慰家舍  
高咏白駒懷古人  
稍待玉山叢桂發  
一觴依舊草堂春

次韻李心畬南歸留別

人海煙馳歲易更  
北轅未幾又南旌  
眼前一別如天遠  
秋杪相思但月明  
吟社玉山憑結侶  
歸心江水可尋盟  
閉門潔養誰能爾  
愧我棲遲豈徇名

聞旱二首

吾廬百里界蘇杭  
舞妓聞連數郡疆  
四月堅晴仍六月  
水鄉苦旱况山鄉  
燕齊近稍休兵氣  
財賦人方急太倉

大半東南關國計  
鴻飛豈獨念維桑

近歲農收小勝前  
豐亨未免恃康年  
夫厘孰有禾三百  
米價仍聞石四千  
倉貯官家原備糶  
賽祈風氣亦貪天  
徒薪曲突功難見  
教養終期卓魯賢

雨後述

入夏久苦旱闔戶  
沙塵闌市物靡不  
貴渴走同浩歎甘  
霖忽三日濯濯清  
闌闌惜哉闕渚澤  
平地行齋淪稍深  
亦可愛風鏡搖微  
瀾已有鶯鴨羣長  
鳴刷秋翰一笑水  
鄉子臨流思扣舷  
家書前日至舞妓  
數郡連城河不通



楫水車塗泥黏旅人田以祭念是宵不眠同年宰畿緊  
過我顏色歡為言黍苗長影差榆柳間至誠感  
昊穹闔澤三輔先推暨自茲廣暘雨求其端載謠匪懷  
土南望心悠然

孫節母詩

鬱鬱青松枝結根於寒山上有淒清雲下臨湯湯淵漩  
渦激雄飈旦夕漱其根水伯何不仁松根又何堅噫乎  
孰相厄一昔遭斧斤斧斤不及根根在有天命諒不為  
樵薪肯隨水波遷母兮心艱貞門祚力持久少小闕禮

儀十九事君子上堂拜舅姑愉色若見母入戶謂夫子  
大義明孝友雍容從兩弟出入必偕儷以承舅姑歡菽  
水亦且旨春風吹三月灼灼炫桃李冰霜不相加物性  
誰見等昊穹何不仁五載失所天上有舅與姑下有夫  
弟存新婦亦何生生無益家門巍幾百尺樓奮身輕墜  
煙舅聞仰天哭慈姑號且援家人旦夕守稍稍強使殮  
瞬息懈其防一磬懸元中舅姑哭奔赴急救謹親賓雜  
沓衆方進氣轉悲聲吞人間父母心豈必曰付家無所  
為而為痛結當奈何新婦當此時自顧真鴻毛舅姑視



之重依依慰煩冤已傷老人心奈何增煎勞喘息延庶  
幾供養卒大恩成再拜還我樓新婦敢輕生朝朝淚洗  
面不忍輒發聲水流日以東朝日日以西願言俟異日  
畢命仍中閨廟祀有夫弟我生果何為庸知夫兩弟奄  
忽歸山阿上有舅與姑下只覺寡妻薄暮殯宮還觀者  
氣慘悽大川之竭流涸絕無涓澌喬木之標本萎黃無  
纖莖已矣尚何望門祚長乖違上堂告我翁似續宜早  
計曷不置造室天幸當有嗣家貧更數喪衣服不得備  
婦有故奩具薄少聊佐使由來危亡時忠孝期所濟意

中何不念庶以遂其志婦節已動天矧此孝且仁上天  
乃悔禍祥女俄有娠翁亡庶子在一髮絲千鈞教養為  
之娶復生子亢宗抱歸為夫後夫祀乃不泯名之曰吉  
脩十八游費宮一笑從我夫身沒心無痕我為念前時  
倉猝中衰門上有舅與姑下有夫弟存誰云百世紀乃  
懸覺婦言昔者李固女以弟屬王成遁為酒家傭罔弛  
弟有名彼令存不亡此令亡者存又聞古皇娥心傷海  
茫洋銜石填使平終古願不償又聞日可返揮戈有魯  
陽人定可勝天申胥哭秦庭安見大厦壞一木難支傾



或言數陽九賢聖猶厄窮陰平竟亡漢督亢不餌秦蹇  
蹇此莞婦竟存孫氏宗成敗固天意持志須盡良婦卒  
踰六旬戰恐四十年夫也錫祚名母家桐鄉程吉脩又  
生子乞文婦曾孫傳者丁子復書之山舟梁下走仰竒  
節志可南山鏡激昂歌此詩永為後來監

八月二十二日偕本之從孫聚仁游陶然亭晚

歸侍母小飲

江亭游軫漫翩翩山水鄉情卻惘然一醉暫拋蓴菜夢  
雙螯先占菊花天秋光笑語圍燈畔貧味詩書慰膝前

獨限歸鴻雲際遠尺封差喜昨來燕

十九日接  
李氏姊信

食蟹戲成索本之和

丁沽縛致含黃伯磊珂牽連僅十雙擁鉞平沙容甚偉  
爛湯鉅鑊氣全降霜飛不改中心躁艾灼空餘外骨厖  
豈謂蠢生偏隽味詩屏羅菊對傾缸

九月四日復食蟹示本之

宗黨清言宦路稀杪秋佳日願無違長支把菊前頭會  
何惜連觴左手揮去冷性諧薑老辣滌腥氣受艾芬馥  
翻憐瘦盡江鄉稻可有輸芒獨舉肥



燈花

艾髮當筵一笑譁充然和氣上燈花兒傾鶴醜偷光細  
女拂魚箋測景斜釵卜緣空蠲俗念錦圍夢遠望天涯  
懸知玉燭回 元化喜徧春城十萬家

獨游陶然亭寄懷餘齋先生

又見晴雲擁髻鬟八窗猶記俯潺湲前時流水都無影  
別後春山不改顏鄉夢煙蘿疎密處車聲風雁斷連間  
歸途拾得餘齋句寄語塵中半日閑

春山不改顏  
先生舊句

過潘吾亭

恭常

新居小園二首

豈有高人解入城巖棲情寄在春明雲峰望遠聊充隱  
宦海移家似踐更退谷佳山憑想像壺公菓父小經營  
到門先慰哦松癖爾許風霜種得成

小立亭階意渺然寥寥禽語午陰圓剗苔雲石清如畫  
掃葉風廊韻入絃隙地秋來剛藝菊寒宵酒半早量泉  
可能滿意鄰家釀一醉繩牀跂脚眠

園隣  
酒家

雨霽

竹中響已輟山翠來檐端喜鵲一庭立穠花半面看魚  
喙盞水活狸掠階苔寒側想青郊外溪雲擁釣竿



代書上餘齋先生六首

餘齋杖履日婆娑老病心情奈達何行坐卧中千想滅  
畫詩書裏六時過未妨簪菊隨元亮奚待挈舟學志和  
鍵戶怡然弄孫子一家安樂自名窩

知無塵鞅累冲襟藹藹靈椿閱世深忍事不留風電影  
閉門時見水雲心百年仕宦惟傳硯三黨周旋或典琴  
聞道東南連郡早新霜可免鬢絲侵

五旬天末滯函封小阮

恬

書來特語儂出戶鳩扶多喜

色迎門鶴立想秋容蘭風展卷茶煙薄松露浮杯月氣

△閉門或作聞吟

濃話舊論詩歡一醕歸期且莫憶萍蹤

釋翁仙久梓翁摧春雨齋荒沒翠苔吾里詎於風雅闕  
寓公真見總持來雲龍東野誰酬唱主客西江妙化裁  
碧樹黃流空在口關河函丈夢徘徊

一巢衆笑拙鳩營敢謂迂踈少宦情海上何嫌遇風引  
泉源祇覺在山清宿逋稍稍添書袞高詠寥寥見友生  
總荷裁成天地德敢忘黽勉答昇平

宦游獨立渺悽神况味猶堪大略陳入夏老親差健飯  
頻年羸婦肯持貧史書結撰聊遮眼郎署浮沈愧致身

敢

敢



一夕秋風動寥廓那無鄉夢繞湖苑

送笑初南歸二首

因人恥宦游歸思又扁舟祇受一囊粟常懷千歲憂商  
聲動吟社古淚濕行輶吳楚連饑饉將為借箸籌

掃牀同密坐翦燭念長行秋雨山中屋殘霞水上城稷  
思須手援夷樹孰躬耕樂府張王績郵筒一寄情

山中秋夜課英兒為此題同作

杳杳衆山頂天高涼易生斷雲和樹瘦孤竇咽泉清露  
下濕空際風迴聞遠聲何年攜卷去會得古人情

幽花

幽花傍小橋秋至不曾凋愛得橋前水粼粼影自搖

張補庵孝廉

景江

近詩云欲成靈憲學其奈四

愁何廣其意二首

無限芳情望蹇修樽空花盡月西流姑蘇才子長安客  
獨夜殘春詠四愁

海外傳聞大九州圓中地影一浮漚曠觀除是張平子  
靈憲摹成失四愁

曉覺



夢去想塵滅壁燈猶凝釭感時千歲致省過寸心降寒  
意牢拒戶曉光深透窗卻嫌烏鵲語萬籟始誼厖

潘岳

廣城車下拜何慚書草東宮更不堪小吏殺人殊意厚  
翻容忠節附淮南

陸機

不隨盧郤諍強藩奇士何曾解報恩鶴唳尋常奚足念  
千秋遺恨建春門

戲題市買簿

貧家之經營所用蓋有限條列為一書日必一半版平  
生嬾治生經歲不挂眼吾妻職思憂燈前熟開展偶然  
值窺覘大旨一笑莞豕魚前提行蔬藪後分件間市雞  
鴨奢亦用羊雉羴冬煤夏須冰車膏馬有秤皂樞若樓  
篋瓶盆及巾筦米鹽雜天官醯醬備周典其目多陳因  
其價率杜撰大綱在準繩小弊毋詰辨求利情所恒臨  
民道宜簡水清魚則無林焚烏盡散君思義經文下益  
上乃損鉤距失人和吏廉不降戩矧予奉慈親兒齒祝  
善飯萃歡同室心此是萬金產吾妻然吾言啟篋愁無



飯走盤落子聲亦欲稍節搏感子用意勤願子常日勉  
會看此帳簿日積至無算塞破一屋子我汝長游衍

石麟近自嘉興收得錢衍石家稿本若干事其三國志會要以  
論欽泰半已聽其別售待集稿本可收凡四種五冊此澄觀  
集外尚有內游集二卷杜郭集四卷定廬集二卷皆寫手  
端楷殆出之錢氏老妾寫媿之手者蘇叔問國朝著述未刊  
書日中著錄之尚有淑帚集一卷今不知尚在否光緒己卯  
衍石子彝父重梓刻楮旅途二集敘稱舊業志在長兄子櫛  
可迄未續刊此為梓強印是家藏之本也原訂頗有恒製書於  
殘當付工重裝它年當為流布之舉人道業世當珍護也

丙申歲歲第八日來燕樹中晴窓日暖研朱湯記





